

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. I. Resolutio quæstionis.

---

[urn:nbn:de:hbz:466:1-74152](#)

Resp. ad. 1. neg. consequent. & paritatem: quia ad involuntarium secundum quid non requiritur cognitio, sed sufficit, quod sit contra propensionem operantis: Ad voluntarium vero secundum quid necessaria foret aliqualis advertentia, & cognitio, quam tamen ignorantia concomitans tollit.

Ad. 2. nego suppositum consequentis, quod in praesenti actus voluntatis sit capax voluntarii & involuntarii; cum enim sit definitus necessaria scientia objecti, non est capax voluntarii, & cum non sit conjunctus cum aliqua resistentia circa tale objectum, etiam non est capax involuntarii.

## §. IV.

## Corollaria.

*Colliges primò.* Ignorantiam consequentem [i] nisi sit affectata esse circumstantiam alleviantem peccatum, quia facit actum involuntarium secundum quid. Hinc primò peccans ex ignorantia consequente levioreretur poena, quam si qui peccat ex scientia: quantitas enim poena debet esse commensurata quantitate culpæ.

*Secundò.* Si poena sit lata contra scienter & temere prævaricantes, non comprehenduntur delinquentes ex ignorantia non affectata. Nequeretur incurrir censura ab his, qui illam saltem non craſte ignorant: siquidem in iis non presumitur formalis, aut virtualis contumacia, quam censura [excepta irregularitate] præsupponit.

*Colliges secundò.* Ignorantiam invincibilem, non tantum antecedentem, sed etiam concomitantem excusare à culpa, & consequenter à poenis ac censuris contra ejusmodi transgressiones latit, ubi enim non est liberum aut voluntarium,

ibi nec potest esse peccatum. Neque refert, quod habens ignorantiam concomitantem, sit in ea animi dispositione, ut hunc ipsum effectum possuet, v. g. inimicum occidisset, si adesse scivisset: DEUS quippe homini non imputat peccata, qua faceret, sed quæ facit: neque habitualis illa dispositio hic & nunc in actu influit.

*Colliges tertio.* Ad ignorantiam antecedentem pertinere inculpabilem oblivionem aut inadvertientiam, ut sicut nulla pro�us cogitatio aut scrupulus in mentem veniat, quo animus ipsius ad investigandam veritatem exciteretur. Inde sit, quod ab heresi formali excusentur mulieres simplices, in terris hereticorum natæ & educati, quibus de fidei veritate nullus unquam scrupulus aut dubitatio oritur. Similiter excusantur à peccato, qui negotiis distracti ex naturali obliuione aliquas preces, v. g. horas canonicas, ad quas recitandas obligabantur, omittunt.

*Colliges quartò.* Per invincibilem ignorantiam aliquando contractus & vota reddi invalida;

cum videlicet error & ignorantia afficit ipsam contractus & voti substantiam, vel circumstantiam talem, quæ in substantiam redindat: ut

e. g. si vitrum pro gemma emisti: si existimas te

promittere matrimonium Catharinae, promisisti

Magdalena: si existimas ordinem Carthusianorum esse facillimum, vovisti illum ingredi, &c.

Cujus ratio est, quod quatenus contractus est in-

voluntarius, etenim est nullus: sed si ignorantia

afficit substantiam contractus, sit etiam quoad

substantiam remanet voluntarius, ita manebit

etiam validus.

## ARTICULUS V.

## An detur invincibilis ignorantia juris naturalis.

## SUMMARIUM.

1. Quid ignorantia juris & facti?
2. Utrumque potest esse invincibilis & excusare à peccato.
3. Datur etiam invincibilis ignorantia juris Di-vini.
4. Non datur invincibilis ignorantia juris naturalis quod universalissima principia morum.
5. Datur quod præcepta secundaria.
6. Excusat a peccato.
7. Exponuntur objecta authoritatis.
8. Iura & præcepta ad aliquid officium pertinentia invincibiliter non ignorantur.

§. I.  
Resolutio questionis.

1. Ignorantia dividitur in ignorantiam juris & facti: quorum ista est de rei existentia: v. g. sitne hoc animal, quod vides, homo: sitne hic homo Clericus: sitne hæc mulier consanguinea, &c. Altera est ignorantia de legis prohibentis vel obligationis existentia, v. g. sitne hic contractus illicitus, sitne hic dies jejunij, vel festivus, sitne hoc impedimentum distinxens &c.

Dari invincibilem ignorantiam tam juris quam facti, que propter defectum voluntarii à peccato excusat, communis est inter Doctores. Neque refert, quod in foro externo non facile audiatur, qui ignorantiam juris prætendit per Reg. 13. Juris in 6. ignorantia facti non juris excusat. Hoc enim solum contingit ex præsumptione, quæ post debitum legum promulgationem nemo facile leges ignorare præsumitur. Hanc tamen præsumptionem si quis per invincibilis ignorantia probationem sufficienter posset elidere, etiam erit in foro externo audiendus, ut colligatur ex c. cum in tua: qui matrimonium accusare possunt: & inde constat, quod forum externum conformetur foro interno conscientiæ, quamdiu præsumptio non est in contrarium.

Nec tantum juris humani positivi, sed etiam

divini dari invincibilem ignorantiam ex eo li-

quet, quod aliqui fidem, quæ est juris divini, in-

vincibiliter ignorent propter defectum prædi-

cantis, ideoque sint infideles negativi, quibus

hæc infidelitas negativa in peccatum imputari

non possit, prout Pius V. Greg. XIII. & Urbanus VIII. definiuerunt contra Michaelem David, & deducitur ē S. Script. Rom. 10. quomodo credent ei, quem non audierunt? quomodo autem audiunt sine predicante? & Jo. 15. Si non venissem, & locus fuisse eis, peccatum non habent. &c. Controversiam cum Janenio movent rigidiores quidam Theologi de preceptis Juris naturalis, utrum illa invincibiliter ignorari possint? de quo sit

**4. CONCLUSIO.** Etiam si Jus naturale ab homine rationis compote quoad prima principia moralia universalissima non possit invincibiliter ignorari: datur tamen invincibilis ignorantia in preceptis secundariis morum partialiter directis, ita S. D. infra q. 94. a. 6.

Prima pars ratio est: quia jus naturale est inscriptum in tabulis cordis, & in ipso dictatorio rationis & luminis naturalis, juxta illud Pl. 4. Signatum est super nos lumen vulnus tui Domine. Sicut ergo ratio & lumen naturale per peccatum non omnino fuit extinctum, quamvis fuerit notabiliter obscuratum, ita etiam est impossibile, ut in adulto rationis uso praedito non supersint universalissima morum precepta; uti sunt: Bonum sive honestum esse prosequendum, malum fugiendum; & illud: Quod tibi non vis fieri, alii ne feceris. De quo D. Augustinus in Pl. 57. hoc & antequam lex daretur, nemo ignorare permisus est, ut esset unde iudicarentur, & quibus lex non esset data.

5. Ex his porro primis principiis aliqua praecepta naturalia quasi per se consequuntur & faciliter discursu inferuntur, uti sunt praecepta decalogi, qua proinde & ipsa saltem ad longum tempus invincibiliter ignorari non possunt, nisi aliquā notabilī circumstantiā afficiantur, per quam adulteria & dishonestas occultetur vel excusat. Ita licet perpicuum sit, non esse licitum interficere innocentem, vel scipsum; non esse licitum mentiri: non tamen aquē perpicuum est, utrum non licet mentiri pro salvanda vita proximi, sibi ipsi necem inferre pro conservanda pudicitia, vel evitandis gravissimis tormentis, interficere hominem sine spe vita cum gravissimi doloribus luctantem, &c. Unde in ipsis etiam praeceptis aliquando intervenire posse ignorantiam invincibilem patet.

Secunda pars ratio: In iis potest intervenire ignorantia invincibilis, quia non facile per evidenter ratiocinationem deducuntur ē primis principiis morum, & in quibus non appetit connexio & resolutio ad primas regulas per se notas: sed in praeceptis naturalibus secundariis rudiore ac simplicioribus non facile perspiciunt hanc connexionem, neque ex principiis morum istas conclusiones expeditè deducunt: igitur nil obstat, quare simpliciores habeant ejusmodi praeceptorum invincibilem ignorantiam; nam invincibilis ignorantia ex duplice capite evenire potest, vel quia animum nullus scrupulus & cogitatio alicuius obligationis pulsat, vel quia post cogitationem de tal praecepto adhibita est moralis diligentia ad illud investigandum, nec tamen potuit deprehendi: sed utroque modo continet praecepta juris naturalis ignorari. Primo qui-

dem modo, quia confessari per experientiam deprehendunt, adolescentes ignoranter aliqui subinde committere contra jus natura, quoniam scrupulum primū post majorem judicii matutinatem conceperunt. Sic inter rusticos multa quandoque superstitionis deprehenduntur, quae a parentibus accepta sine scrupulo & bona hō prakticant.

Secundo etiam modo datur invincibilis ignorantia, quia de facto sunt plurima juris dubia quibus ad certitudinem devenerit non potest: la dilputatur in utramque partem, an licet iudicium damnare vel occidere reum, qui secundum allegata & probata est nocens, privatā tamen iudicantia est innocens. An census redimibili sit usurarius? Utrum justē damnatus ad fumendum venenum possit illud suum propria manu ori infundere? Olim quoque tempore Concilij Lateranensis erat utrinque controversum, an montes pietatis essent liciti vel usurarij?

## §. II. Occurritur Adversariis.

**O**bijcties. Si daretur invincibilis ignorantia juris naturalis, tunc excusat per se: sed non excusat: ergo. Sequela pater ex dictis: quia ubi non est voluntarium non est peccatum; sed ignorantia invincibilis tollit voluntarium; ergo. Minor probatur variis autoritatibus; primo ē S. D. quodlibet. 3. a. 10. dicente: Nullum excusat, si sequitur errorem opinionem cuius Magistris: [loquitur autem de ignorantia juris naturalis] in talibus enim ignorantia excusat. Secundō ex Tertull. de spect. c. 10. Numquam excusat, quod DEUS damnat. Nam & nunquam licet, quod semper & ubique nullum est, &c. sed quod est contra ius naturale, numquam licet, est à DEO damnatum: ergo nonnumquam excusat. Tertiō Gratianus 1. q. 4. Ignorantia juris naturalis omnibus adultis damnabilis est. Quartō D. Augst. ep. 104. Numquam esse putaveris, quod malum est, hoc prout unaque peccat. Ea sunt omnia peccata ignorantiae, quando quisque bene fieri putat, quod male fit.

Respondeo negando minorem. Ad cuiusprimum probationem dico, S. Doct. Ibidem manifeste loqui de ignorantia & errore invincibili non tantum juris naturalis, sed fidei, quia ex recursu ad S. Script. & Ecclesie autoritatem deprehendi ac deponi potuit: veluti indicant haec sequentes illius verba: *Qui ergo assit opinioni aliquo Magistris contra manifestum Scripturae significatum, sive contra id quod publice tenet secundum Ecclesie autoritatem, non potest ab errore vixi excusari.* Ad 2. Resp. Verba Tertulliani tamquam velle, quod lex natura sit immutabilis, ita ut per se nunquam fiat licitum, quod est iure naturali prohibitum, quoniam per accidens aliquando ratione ignorantia, qua superari non potest, legit illius materialis transgressio excusat. Ad 3. Resp. Gratianum esse intelligendum de primis & notabilissimis principiis juris naturalis. Ad 4. Resp. S. Doctorem loqui de invincibili adeoque culpabili ignorantia: nam mens ipsius abunde constat ex alibi dictis ep. 48. *Nullius crimen maculat negligem, & 1. de 2. animabus.* Nemo peccat in te,